



CONCELLO DE BOQUEIXÓN
(A CORUÑA)

Forte s/n – Boqueixón

Teléfono: 981- 51 30 61

Fax: 981- 51 30 00

C.I.F.: P-1501200-H

C. electr: correo@boqueixon.dicoruna.es

ORGANIZACIÓN “III RUTA DE TAPAS DE BOQUEIXÓN 2014”

O artigo 25.1 da Lei 7/1985, do 2 de abril, das bases do réxime local establece que o municipio, para a xestión dos seus intereses e no ámbito das súas competencias, pode promover toda clase de actividades e prestar cantos servizos públicos contribúan a satisfacer as necesidades e aspiracións da comunidade vecinal. Por outra parte, o artigo 25.2 m) da mesma norma outorga competencias ós concellos en materia de cultura e de ocupación do tempo libre.

O Concello de Boqueixón leva a cabo diversas accións de potenciación do tecido empresarial, e en concreto, a actividade da “Ruta de Tapas de Boqueixón” é un proxecto de promoción do sector hosteleiro de municipio, unha acción cun obxectivo de desenvolvemento local e de impulso ó turismo gastronómico. Tendo constancia do éxito de participantes acadado na anterior edición desta actividade,

RESOLVO:

1.- Aprobar a organización do “III Ruta de Tapas de Boqueixón 2014” nos seguintes termos:

*Calendario da ruta: 4, 5, 6, 7, 8 de decembro de 2014.

*Horario: 12:00h.- 15:00h. e de 20:00h.- 22:30h.

*O prezo que os hosteleiros participantes fixan para o cobro de cada tapa que entra no concurso: 1,50 €

*Os hosteleiros que queiran participar na ruta deben cubrir e asinar a ficha de inscrición entre 13 e o 17 de outubro de 2014 no Dpto. de Emprego e Formación na casa do concello.

2.- Aprobar as bases do Concurso da “Mellor Tapa de Boqueixón 2014” coas seguintes normas:

a) No “**Concurso á Mellor Tapa de Boqueixón**” concursan os establecementos hosteleiros de Boqueixón que presentarán as súas tapas habendo un xurado popular, formado polos clientes que degusten as tapas, os que votarán e elixirán á “Mellor Tapa de Boqueixón”.

b) Cada establecemento hosteleiro poderá presentar 2 tapas como máximo ó concurso no calendario e horario establecido.

b) O material publicitario e informativo inclúe carteis publicitarios da ruta e tarxetóns de participación para a votación á mellor tapa.

c) O Concello de Boqueixón e os establecementos darán visibilidade ó material informativo e publicitario sobre a ruta das tapas, facilitando así ós clientes a participación no concurso e a realización da ruta.

d) Os tarxetóns repartidos por todos os establecementos hosteleiros inclúen un apartado para datos persoais dos clientes participantes e outro apartado para selos dos establecementos e para a votación á mellor tapa.

e) A degustación da tapa da dereito ó selo do establecemento no que se degustou. Un só selo por tapa.

f) Unha vez cuberto todo o tarxetón con todos os selos dos establecementos participantes, o cliente indicará no mesmo tarxetón, cal é a tapa gañadora no



CONCELLO DE BOQUEIXÓN
(A CORUÑA)

Forte s/n – Boqueixón
Teléfono: 981- 51 30 61
Fax: 981- 51 30 00
C.I.F.: P-1501200-H
C. electr: correo@boqueixon.dicoruna.es

espazo indicado para este fin. É imprescindible que o cliente cubra tamén, os seus datos persoais e sinatura no mesmo tarxetón para darlle validez.

- g) Cada hosteleiro disporá no seu establecemento dunha urna para as votacións dos clientes. As urnas deben estar ubicadas en lugar visible, pechadas e identificadas para o seu fin.
- h) Unha vez rematado o calendario da ruta, reuniranse todas as urnas e sacaranse os tarxetóns de participación. Os técnicos do concello revisarán o bo estado e veracidade dos mesmos, posto que se algún tarxetón está mal cuberto, incompleto, roto, hai cuños falsos ou con riscaduras, etc retirárase do concurso.
- i) Entre todos os tarxetóns válidos contaránse os votos e a tapa máis votada será a gañadora: “1ª clasificada como Mellor Tapa de Boqueixón 2014”. A segunda tapa máis votada quedará como “2ª clasificada no Concurso da Mellor Tapa de Boqueixón 2014” e a terceira tapa máis votada quedará como “3ª clasificada no Concurso da Mellor Tapa de Boqueixón 2014”. Os establecementos gañadores conseguirán difusión dos locais mediante notas de prensa, promoción na páx. web e o diploma de recoñecemento.
- j) Por outra banda, todos os tarxetóns válidos dos clientes serán introducidos nunha urna e realizarase un **sorteo** dunha estancia dunha noite nunha casa rural con cea para dúas persoas. Os titulares dos establecementos inscritos participarán no “Concurso da Mellor Tapa de Boqueixón 2014” pero non poderán participar neste sorteo que está dirixido a clientes.

3.- O Concello de Boqueixón realizará as seguintes aportacións:

- Colaboración na organización.
- Difusión da campaña (páx. web, notas de prensa, radio, presentación oficial para prensa, material divulgativo e de participación).
- Financiación da cartelería e tarxetóns de participación.
- Premio para sorteo entre os clientes (estancia dunha noite nunha casa rural con cea para dúas persoas).

4.- Os establecementos hosteleiros participantes realizarán as seguintes aportacións:

- Colaboración coa organización e no bo desenvolvemento da actividade.
- Difusión nos seus locais do material divulgativo e de participación.
- Urnas para as votacións.

5.- Dispór da asignación orzamentaria para facer fronte á aportación municipal.

6.- Publicar ditas bases no taboleiro de anuncios do Concello e na páxina web do concello.

Boqueixón, 13 de outubro de 2014

Raquel García Fraga
A alcaldesa accidental

